


0  
1cm  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28



浙江圖書館





浙江圖書館





浙江圖書館





浙江圖書館



皇明名臣琬琰錄卷之十二



工部尚書張公行狀

工部尚書陳公行狀

工部尚書石湖何公墓誌銘

工部尚書何公墓碑

工部尚書楊公墓誌銘


工部尚書彭公行狀

工部尚書王公墓誌銘

工部尚書徐公墓誌銘

瑯琊

王世貞續編



張璧

皇甫汸

歐陽德

鄒學孟

浙江圖書館藏



工部尚書黃公傳

吳寬

工部左侍郎何公墓誌銘

羅欽順

工部右侍郎沈公墓誌銘

王鏊

工部侍郎張公行狀

劉麟

工部左侍郎龔公墓誌銘

李杰

工部右侍郎嚴公行狀

應大猷

工部右侍郎黃公墓誌銘

呂本

工部右侍郎全公家傳

工部右侍郎郭公墓誌銘

李璣

劉愨傳

浙江圖書館



南京工部尚書張公行狀

費宏撰



公姓張諱嶺字時俊別號楓丘東浙蕭山人也成化癸卯  
以尚書領鄉薦丁未登進士第明年弘治改元簡纂憲廟  
實錄於蘇松常鎮秉筆惟公不暢權勢二年己酉除江西  
上饒縣知縣公性介直實心為民不徼聲譽清節過人量  
田土清稅糧民甚德之置浮橋以利涉民賴永濟巡按御  
交章表薦吏部考治行第一封其親十年丁巳陞南京兵  
部車駕司主事先是部屬入守備聽見中貴執禮甚卑公  
惟肅揖而已遂永為式自是剛正之名赫然矣庚申陞本



司負外郎相繼丁內外艱甲子服闋改授南京刑部河南  
司負外郎不携家室獨處旅館乙丑冬陞貴州司郎中正  
德初劉瑾擅權傾中外適隆平侯張祐卒無嗣弟侄爭襲  
奏行該司勘問賂瑾囑公公不可奪乃矯制取入刑曹理  
焉戊辰陞興化知府單車担任倦以惠民為念禁奸戢暴  
吏不敢肆闔郡以寧父老咸嘖嘖稱曰真良二千石也瑾  
又以異香下諸郡責賄公不報郡人戴大賓者弱冠及第  
瑾欲以姪女奪其舊聘囑公主之公復不應瑾怒甚遂據  
隆平侯事落職適當元旦祝聖畢即微服東歸杜門謝客  
瑾伏誅起守南雄清操益勵甫一年陞江西叅政去之日



行李蕭然老稚泣送不忍捨立祠於庾嶺祝之時寧藩宸  
豪潛蓄異謀賂結中外諸臣亦欲要致公陰使黨人王泰  
郭宇道憲公正色拒之適藩司災乘釁劾公賄權豎張雄  
輩謀罷公賴當道持之竟為奏釋時當述或廷論公賢能  
宜加旌異獲拜綵段羊酒之賜亦曠典也遷本司右布政  
使尋轉左時豪欲拓府居以疑大內公拒之豪為掣肘因  
斥曰病風子乃戒其下慎勿干擾遣承奉劉吉饋以四果  
啓視之則枣梨薑瓜也公曰我知之矣是我早離江西耳  
吾恐臣子受命於君行止非人所能一時縉紳咸以鐵漢  
稱之濠忌終以妨已賂擢為南京光祿寺卿尋拜右副都



御史巡撫保定等府地多闕宦有所犯者公秉法不少假  
借過武廟巡遊權監江彬錢寧輩往來旁干誅索郡邑公  
一無所應統轄安堵群小謀以濟公公遂移疾乞休得准  
回原籍調理濠既敗都御史劉玉許廷光交薦不起辛巳  
夏恭遇今上入繼大統詔求耆舊御史周宣等力薦之起  
擢右都御史總督兩廣軍務兼理巡撫乃計擒上思州土  
官黃鏐勒平劇賊嚴阮蔡猛三等諸寨斬獲萬餘人捷聞  
降勅獎勵慰勞有加若江福流賊江小范四梁八尺黃萬  
山賴廉李文積等劫陷郡縣勢頗猖獗公悉討平之民藉  
其惠公秉軍政賞罰明信擿奸發伏如神尤痛懲貪墨吏



以是謗言漸興屢疏乞休不允甲申秩滿三載廕子弁入  
監是年冬取掌南京都察院事懇疏力辭不允乙酉蒞南  
臺振肅風紀群僚凜然如內臣黃玉守備舍人曹顯等皆  
以法治之無所顧忌尋陞南京工部尚書適廣西土官岑  
猛伏誅兵部謂公先事疏惡功不可泯奏上恩賜銀幣丁  
亥四月得致仕戊子七月詔進一品階榮祿大夫辛卯正  
月十八日辛享年七十有四巡視都御史胡璉稱其存心  
制行大節無渝俸國憂民瀕老益切巡按御史李佶則曰  
為人耿介制行端方始遭瑾賊之殘已經擯斥繼當逆濠  
之暴累敢抗衡幸際盛時獲終正寢禮部得請如例祭菜



公平生剛方質直服用朴素居鄉出入不用輿馬處鄉人  
如家人父子情意藹然接有司未嘗不以時政得失相規  
如力言恢復湘潮及勸築西江北海塘毛山閘以免山會  
蕭山三縣水患民藉其利居官四十餘載今計其所殖止  
足以自給其操守之廉真所謂始終不渝者矣



南京工部尚書進階榮祿大夫陳公行狀

張懷撰

公諱雍字希冉姓陳氏號簡庵世居餘姚之眉山其先出自陳高祖裔隋代陳分置其子弟于諸郡有曰昌者流寓上虞之小穴生定恭仁而仁徙居餘姚之夏少畷生大中常侍悅宗孤綿延自隋至宋六百餘年以陳王為氏太史公所謂世家者也宣和建炎間有曰升者以行義聞西禦巨寇授武功大夫其孫梟始遷眉山生亞六亞六生曾九元督運副使生祥卿生仲昇仲昇生子至善兼善安善安善為公曾祖生子誠信信字好古公之祖也娶鄒氏生子



顯頤好古永樂間從事浙藩改補保定蠡縣滿考將冠帶  
卒于京妻吳氏義子陳敬度不能南還乃殉俗焚其柩而  
收其骸骨歸復于蠡築留新庄之原顯娶胡氏生子三公  
其仲子九歲入小學以穎異稱字晝類子昂下筆有驚人  
語十八治禮記所從授業皆知名士聲華藉甚人爭延致  
之家塾成化癸卯浙江薦第十甲辰登進士第覲工部政  
弘治戊申授工部營繕司主事修通州倉兼理張家灣磚  
料磚廠原在土橋改遷水次至今便之辛亥考滿封父顯  
為承德郎工部主事母胡氏妻楊氏皆安人改刑部四川  
司主事檢引舊憲署篆平允甚有能聲遷署負外郎屢斷



大獄司寇白公昂戴公珊謝公綬咸器之甲寅六年考滿  
實授負外郎念祖陞葬于蠡乞假至墓謁祭歸省二親丙  
辰還京卽陞湖廣按察司僉事僚友惜其去復至蠡取祖  
骸骨歸与鄒氏合葬於柵樹湖有雙玉合葬集丁巳抵任  
不修邊幅人頗易之至常德府新旧詞訟煩殷剖決皆尽  
父老皆嘆以為昔所未見五開衛與貴州黎平府同在一  
城公巡之夷民安堵至銅鼓衛宿雞不鳴相傳雞鳴則夷  
虜相殺地氣使然也至靖州按察將胡瀚貪狀呈撫按單  
之己未改巡荆南壽王之國送之尽境乃止有詩為獻皆  
保國之言王賢之宜都知縣以饋王為名歛銀千兩公拿



問追銀送州公用餘物給散王前站有誑銀者亦治以法  
監利太盜黎彥斌父子五人出沒害人年久聞公威自至  
于獄庚申聞父病脾泄便道回首療病獲瘳未幾復不起  
歲暮奔喪哀毀如禮癸亥服闋復除江西僉事兌米吳城  
湖廣軍政念旧上司憚之禁戢軍士糧米有餘浮梁豪民  
欲改立縣于景德鎮縣民不從生負六人赴省試誠宿于  
鎮盡殺之莫知為誰又淮府王奉祠訐奏承章舒方門正  
胡玉釀成大獄當道皆委公鞠焉公分囚于異處因自審  
之不期而真情露犯者俱伏其罪甲子監秋試遂內丁艱  
歸甲子子文匡以家學中浙闈鄉試戊辰服闋復除山西



僉事乙巳陞布政司左叅議庚午陞按察司副使逆瑾峻  
法繩下公獨無可措摘猶以他事三罰米渾源孫布政逢  
吉與瑾有姻其子兵部司務聰罹于黨禍藉沒家產聰弟  
舉人明賴公力得不從坐後明生一子感公有不絕之恩  
壬申陞廣東按察使梁公儲子次攄恃內閣勢謀產多殺  
平民言路發之朝廷差給事中劉浚刑部郎中張文麟往  
勘願望莫敢斷以委公公檢田案牴次攄罪如律既不阿  
權亦不廢法人咸以為宜廣中沿海莽鴨家必萬計殘所  
過田禾因而擄掠公須禁榜于各縣取廣州府鴨埠誌書  
焚之患始息甲戌應朝公考核庶官吏部成就取決陞河



南右布政使簡重得大体乙亥陞貴州左布政使時有香  
炉山剽賊之後公設謀晝其糧餉遣吏兵以逆有銀幣之  
賞八月陞都察院右副都御史撫治勦陽公從播州便道  
赴任值歲飢民皇皇思亂公至察奸貪撫人民飭兵備蓄  
糧儲修城池防盜賊具學校清獄地方以安漢中知府賈  
銓不法公劾去之武當豪軍鄧奎等強橫不服公聲言欲  
治已法已而叛息時年六十七具本乞休奉旨陳雍歷官  
清謹着安心供職不准辭例應更代吏部復奏奉旨陳雍  
着照前旨用供職以副委任戊寅陞工部右侍郎兼都察  
院左僉都御史總督湖廣四州貴州三省採辦大木公奉



命奔走勞瘁弗恤已而大木萬數集于都下賜大徑織金  
麒麟袍三襲已卯例應赴京考滿具本以聞蒙恩祖考皆  
贈工部右侍郎兼都察院左僉都御史祖妣安妻俱贈淑  
人廕其嫡孫孟熙入監八月乾清坤寧宮立木賞銀二十  
兩紵絲一表裏辛巳勅停止採辦工告成馳驛取公还添  
注工部管事皇上即位遣大臣祭告宇內山川帝王之禮  
公面領太獄太和山四川神木山之祭報厥成功刻祭文  
于碑公推其功于先任劉公丙宜首加錄廕吏兵工三部  
議奉旨劉丙陳雍各廕一子入監讀書公以孫孟愷送廕  
又有白金綵幣之類癸未至京每日黎明趨朝入部時兩



宮工作聿興佐趙司空橫均節之易州柴炭廠缺官公揖  
之嚴辦納抑徼律時不逞者頗騰謗議公不為動乙酉陞  
南京工部尚書朝著方惜之南而言官有不慊者証以廠  
中弊公具本自辯奉旨卿推陞未久宜上緊前去到任人  
言不必深辯所辭不允公於心無愧自謂布衣起至尚書  
雖未一日履任名位足矣堅辭乞休奉旨卿昨乞休已有  
旨留用今復具疏陳乞情辭懇切准致仕着給驛去有司  
還給月食米二石歲搯人夫二人應用辭朝賞鈔一百錠  
為道里費丙戌生子文忠時年七才有六己丑生子文思  
時年七十有九是年奉恩例進階榮祿大夫上念堂構有



玉帶之賜因以名子曰思卿邦侈之庚寅壽八十慶賀填  
門乙未公年八十五年矣蓋榮祿大夫臺門以旌上思公  
之精力無替於經營之初夷猶桑梓日與親朋觴詠為樂  
不知眉山之異於川蜀神木之若在門庭也客至終日危  
坐無少側談未嘗倦客恐勞公請退公曰尚能支撐吾不  
曾晝寢晡後尋一書或一事理之更餘乃寢一覺則鷄鳴  
起矣養之純也庚子年九十紹興府知湯紹恩奏奉旨陳  
雍累朝舊臣年登九秩德壽可嘉賜以羊酒就着巡按御  
史及門存問仍月加食米二石歲撥人夫二名御史王紳  
奉勅過家舉壽觴為天下士民祝蓋牌坊於山東麓扁



曰德壽遵天語也歲旱公必誠心禱之雨至波及鄉鄰公  
強健步不用杖每以少年所作論文訓子孫以舊行政事  
告士夫雖在田野乃心罔不在土室可謂大臣式矣壬寅  
八月下痢不以疾為飲食卧起如常十一月稍革暨弗效  
十二月初二日未時卒公生景泰辛未四月十五日亥時  
氣厚養完而散之遲其婦九十四其伯顯九十三蓋家傳  
壽相也御史舒汀為奏請祭葬贈謚



資政大夫南京工部尚書贈太子少保石湖何公墓

誌銘

詔

石首張璧撰

初南京工部尚書石湖何公懇疏乞休上賜溫詔許乘傳  
歸其鄉歸無聞上復嗟悼贈公太子少保遣官祭諭營葬  
蓋近時特恩也先是唐夫人已卜兆於容山今改卜於西  
余山之陽公仲子副使鰲以嘉靖十五年閏十二月初十  
日將合窆焉乃遺書托其姻友太常卿劉公元隆為狀來  
請銘璧竊念公父子宦遊吾楚厥有遺休而太常公暨進  
士周君浩為之速者至載其曷容辭按狀公諱詔字廷綸



石湖其別號少沉静恂慤稍長者軼才從其師初進士廷  
元遊篤李罔倦為諸生累試有聲同儕推讓弘治己酉占  
浙江鄉試丙辰登進士第丁巳授南京工部主事能聲轍  
藉戊午遷壽王之國受命護從所過嚴戢下人俾就約束  
初有司辦江舟數千艘候送過峽公以禮法諷貴璫乃取  
陸道行先期至峽口即減汰舟三之一官民稱便己未監  
造海舸工匠以逋負公召與約曰若當速係若當謫遣今  
姑爾貫試再與爾丰尔其速完衆咸曰惟命卒亡敢弗完  
者辛酉公之父直菴年逾八袞公以考績遷終謀未直庵  
曰我尚健兒殆視死我乎乃不果明年遭直庵公喪乙丑



服除改工部營繕司主事時孝皇帝上賓公督造山陵磚石綜理甚精兼省勞費正德丁卯轉屯田員外郎未幾進郎中逆瑾方擅政怒不附已竟以他事下獄罰米二百石庚午陞永平知府值旱蝗公禱神祠且出獄枉繫者囚翌日雨沾足蝗不入境民感歎有嚴明太守之歌中官石姓者素善瑾乃怙勢誣其鄰為盜者十四人以洩宿怨縣官鍛鍊成獄公廉而出之守邊太監王宏素踞視郡縣公竟不往見宏啣之陰使人瞰公動靜中傷公竟無所得而止劇盜劉六等倡獮則治城繕兵賊猝至但遠城數回輒引去撫巡薦公善保障銓部方擬推用丁董夫人憂歸乙亥



服除改永州府通柳桂用兵邊儲告急公力請當路曰楚  
多窖積若得銀可省餽運卒如公議又率先直持賊巢撫  
還協從全衆活甚衆今副都御史毛公伯溫按河南時實  
首薦公大約謂公清慎勤勞可當大任上命陞俸一級庚辰  
遷廣西叅政上思州苗弗靖公勦平之乃以捷聞上賜金  
贈嘉靖癸未轉福建右布政乙酉陞右副都御史巡撫  
保定諸府魚提督蔡金等閔有指揮通權肆害人莫之敢  
撻公首劾寘于法達官破賊有功者仍給資糧公曰賊  
且退柰何復費資糧亟奏罷之丙戌會天災再上疏行各  
避位得旨慰留尋召為工部右侍郎通悼靈皇后薨公會



計山陵工及董造皇上敬一箴亭亭成敕燕翰林且有金  
幣之賜人以為榮會河久塞上命公脩復公集丁壯若干  
分工疏導開修治如初至今省車輓之費為多己丑陞南  
京刑部尚書尋改工部會太廟前殿歲久圯壞公奮然曰  
寔惟我祖宗衣冠神遊之所工豈敢緩乃銳意經晝逾年  
凡皇城官府為之一新上賜奎書褒美今大司成涇野呂公  
碑述甚詳先是工部帑金不滿三千閱五年乃至二十餘  
萬人咸謂公均委積汰冒濫所致云公卒之日為嘉靖十  
四年正月廿有六日距生天順庚辰三月十有四日得壽  
七十有六平生直諫未嘗以氣加人而其中耿不可奪守



官務大體不求赫二聲然志在奉公嘗語僚屬曰事求稱  
食天未有弗報者性至孝居父母喪哀毀骨立處兄弟篤  
友愛尤嚴子教副使君從宦每遺書以親賢遠利為戒性  
廉介不受請托亦未嘗請託于人居官四十年家無贏餘  
室無媵妾君子曰古之大雅何以加諸何之先有諱執中  
者仕宋為名相後徙暨陽金牛嶺下再徙山陰祖諱宗政  
父諱昶號直庵以公貴俱累贈南京工部尚書祖母王氏  
潘氏母沈氏董氏俱累贈夫人配唐氏繼孫氏先公卒俱  
贈封夫人再繼郭氏子男五長鎬次即鰲淳謹有父風次  
銓國子生唐出次鰲烈俱幼孫出女二長適縣學生金愚



先卒次適章元綱任江都縣主簿孫男七景昂以公廕為  
國子生次景明景星俱國子生景員景熙景賢景麟孫女  
長適吳僉憲子恒縣學生次適府學生劉炳即太常公子  
次許聘進士金志之子思遠次許聘副使周釋之子曾孫  
男二公家有耕樂堂少時夢老人坐進公于堂曰若堂名  
宜更福仙公竟而識之乃今克享隆祉有足徵云銘曰會  
稽之山清且崇江水漉之流其中開祥發秘鍾鉅公公也  
骨相非凡庸司空遺屬志已洪副符典郡綏瘼痾禱兩輒  
應蘇民農叅藩長伯屬乃躬三湘八桂狼烟紅貌貅直擣  
箒砦叢手提法篆臨京封晉陟卿佐僉議同矢心体國維



虞恭我明南甸周鑄豐帝曰俞若仍司空振頽修廢時汝  
功福仙之堂徵乃翁功成身退壽考終厥胤光紹吉且逢  
帝賜贈卹禮敷隆我銘石勒山之東後千百禩何終窮

浙江圖書館



明資政大夫南京工部尚書贈太子少保何公墓碑

詔

皇甫汈

會稽之墟曾維於越禹陵峰神克生英哲誕何公爰振  
休烈身沒名彰宜表豐碣公諱詔字廷綸號石湖越郡山  
陰人也少秉淵懿之資長負穎拔之槩嗜學綴文藻德砥  
行為諸生冠遂以明經起家解褐登仕通籍

三朝耀組二京歷試群藩載綏畿甸所在以能稱自分工  
署迄拜司空翊世平成典邦水土終始懋焉蓋秦漢以來  
司空與太尉司徒叅為三事並超九列赤符奉梁素絲崇  
衮公無忝已若夫江艘海舸不憊以綜



陵工廟役勿集亟而集示儉昭朴昉橋山之制疏會通漕  
奏宣房之績乃增秩賜金錫讌褒壘近代司空未之或有  
若初出知永平地隣京輦中官撓法舊莫誰何至則卹定  
零雨廉枉章電民悅慈母囚畏神君嗣蒞于楚柳桂告磬  
議發害積用給軍需民既稱便賊亦就殄廣漢之摘姦孺  
文之持法宋均之徙惶蟻逐之弭盜殆兼之美由是泰知  
西遐則風行百粵稍遷右轄則化偃八閩群獠內款罔不  
即序可謂衽服忘勞盤錯別利者也雖漢史之采循吏唐  
典之咨岳牧又奚讓焉至陟中丞持憲三輔整肅戎務繁  
殖黎元綏按鉅豪裁罷冗費閤夫敵愾虜人褫鬼北門鎖



鑰倚公為重亡何徑踐卿佐美于時識治者謂公宜居樞  
筦隱憂者謂公宜任韜鈴剡書文薦柄用可期而公知足  
乞骸遺榮反服暫允歸田之請未寢當宁之眷昊天不  
弔我刑猷海內惜之

今上悼焉然星精雖殞而鳳毛不死矣方其立傾否之朝  
丁履尾之日過劉襄苗克壯其猷突瑾警宏卒免於禍大  
雅保身有如彼既而際亨嘉之會遇攀鱗之代龍蛇互用  
身名俱優又如此設天假公洪毗金鉉協贊玉衡盛德大  
業詎可量哉至若孝友繕性雍睦成風銜哀毀瘠展親翕  
孺教篤韋經宦減仲產守萬石之醇謹幾慧度之織密疏



公罕羸餘之儲行父無衣帛之妾考旋月旦籍甚鄉評凡  
茲大節以及世美具載亞相陽峰張公之誌司成涇野呂  
公之碑彪炳雲煥垂光霄寓而仲子大中丞鰲以余中憲  
先君與公誼為聯榜分則通家屬余甄次遺絢闡發幽潛  
稽昔執中為宋名相公侯子孫必復其始其中丞公乎  
公之夫人唐氏先公卒卜兆於容山尋改卜於西余之陽  
而合窆焉

帝給營葬秩贈官保湛恩汪濊寵靈攸安堪輿家流謂得  
善地亮哉徵茲辭愧不腆而事覈則傳矣系曰  
漢何武居無赫去見思流遺德明司空承先則良哉稱二



千石曰于藩維方伯暨中丞揚憲職夙夜寅在公直胡憇  
遺嗟奄忽經西余筮從吉山蜿蜒水抱一竄玄廬迤真宅  
鏤鴻勳樹道側居永哀行者泣於萬年長靡極

浙江圖書館



浙江圖書館



浙江圖書館



資善大夫南京工部尚書四泉楊公墓誌銘

泰和歐陽德撰

嘉靖戊申秋九月二十四日南京工部尚書四泉楊公卒  
於位事聞詔賜祭葬如制公平生交遊見山桂文襄公桂  
洲夏公皆先逝公疾亟其孤紳尚幼移書屬之鍾石費文  
通公已而費公亦逝於是後事無所托公子壻鄉進士周  
生錄謂同鄉同宦人莫予若者乃以紳謁僉憲桂君榮為  
狀徵銘於予明年周生夫婦相繼暴卒紳使來促銘嗚呼  
予思得無銘然豈足以知公之大者予始識公京師癯貌  
修幹衆中得首出望之昂然宜若不能俯即而與為禮偃



倭磬折委袖至地暴慢者為之改容逮予賓筵酒饌必恭  
 承以進諸客固辭乃以猶踟躕在位惴惴若相唐突者報  
 之稱不稱略無所計其後每見公率如是以為常他人勉  
 學之卒莫能及也以故於人寡怨人亦鮮怨之者當途或  
 以其交遊故有所遺怨尋亦自悔蓋自卑尊人躬厚責薄  
 之所致云公諱麒字仁甫號四泉姓楊氏世廣信上饒人  
 由曾祖以上多弗耀祖諱某父藍山丞諱某皆以公貴贈  
 嘉議大夫工部左侍郎祖母某氏母徐氏前母王氏娶徐  
 氏繼娶毛氏贈封皆淑人初藍山公禱嗣於衡岳感異夢  
 若有送麒麟者已而公凡第生遂以命名公諱穎異始



能言之授書應聲成誦八九歲能暗誦五經稍長執二自  
愛步趨率有絕尺靜夜閱書盈帙每誦諸葛公澹泊寧靜  
語惕然自勵而性亦近之正德丁卯舉於鄉今上登極始  
舉進士授知長樂縣丁徐淑人憂復除濬縣前後皆以廉  
惠稱而覆田牧馬貴強不得敗制濬民尤賴之流移還復  
而薙麥有秋民歸德諸德政之應焉召拜吏部主事陞員  
外郎尋補外為福建按察僉事飭建寧兵備時宰有欲庇  
其親故者書考無所假借人服其不撓晉南京通政叅議  
應天府丞南京光祿寺卿調光祿寺晉貳工部太廟營建  
上嘗召公卿董者面對目公為工部長侍郎事後賜白金



綵幣俸級章服視尚書居久之有扶鳶降神請修良鄉河  
橋者并署督修官姓名以聞上皆許之既頒敕復追改特  
以命公蓋於是意有所注矣公之才始試於縣令繼試於  
僉憲他所歷官皆事任不專未有以自見至是日接中貴  
及工商雜役應酬冗瑣而能以溫恭長厚不苛不激為衆  
所與故計料多損削督辦尤嚴而人無敢怨怒費省而功  
倍上嘉悅賞賚有加明年真拜於南人以為且將大用而  
公遽不可作咸惜其未究厥施云公於二姊及其弟麟友  
愛篤至甥男女婚嫁如已子為麟翰貲補官以慰太淑人  
之意麟卒官漳州府同知又撫其孤純以長今與紳相依



為命者純也公長子某徐淑人出早殤紳毛淑人出廕補  
國子生論者謂藍山有惠政而公繼以謙德世載仁厚有  
待而發其將在茲乎公墓在某處負某面某之原塋之日卜  
以某年某月某日銘曰於四泉公自牧以早卑而愈高高  
而不危始宰劇邑僚吏師師入官卽署出僉臬司惟敬惟  
慎政用無庇晉恭銀臺少尹京畿大官是長司空是毗與  
與翼之南北且宜灑貌修幹有恪其儀重瞳垂眄大事尔  
浴帝營宗廟列聖隆禧帝梁洪河九連之達帝曰欽哉汝  
往汝揆公拜稽首夙夜夔<sub>匕</sub>量事計庸靡激靡隨藪奸窟  
蠹咸息其机事省功倍帝賚孔時擢卿留省隆眷自茲寢



疾弗起帝心其谷卹典優渥既亟不遲世德未食公有佳  
兒寢昌寢明視此銘詩

浙江圖書館



工部尚書彭公行狀

鄒學益撰

公諱黯字道顯資性淳厚廉介不苟以易舉正德癸酉鄉  
薦登嘉靖癸未進士授禮部祠祭主事尋以便養乞南得  
儀制考滿改丞光祿陞南太常少卿起復補太常提督四  
夷館陞南光祿卿改北光祿陞僉都御史巡撫山東尋改  
巡撫河南刑部右侍郎兵部左侍郎巡撫應天等處南京  
工部尚書旋罷為民公初舉進士太宰喬公遶臺諫堅避  
不赴儀制考滿執政留銓部不往謁為太常應 詔上言  
貴戚僭越請加檢制復引古限田名以為準在光祿近二



十年力持廉儉調劑裁省出羨餘數拾萬巡撫山東妖賊  
猝熾公剪其亮渠患以不作河之故道曰灘田沒于

王府者數拾萬公尽拔之官計租以貸虛稅其䟽處歲祿  
尤人之所深憂不敢言者公獨言之誠億萬世之計至刑  
部奏貸株連數拾人罪得以減在南畿追償逋負殆尽省  
上供幣費數十餘萬倭寇迫太倉兼程趨蘇二城昼閉即  
下令畫關以納奔潰復制机宜擇勇敢嚴器械儲糧餉書  
夜督視鬚髮盡白擒斬千餘級陞南京工部尚書去任賊  
復至言者以未交代咎公激

上怒被逮為民家歸課童僕事耕懇戒子孫毋得溷御閭



以頰有司嘗芟服輪巾與大司成鄒守益大司空王學益  
并後步入山講明良知之學嘉靖乙卯四月十八日卒享  
年六十有九後邑庠生奉祀鄉賢公為心術坦夷平生未  
嘗干人以私及居高位恂恂若儒生世業清寒不改其素  
居官與僚未嘗輕一語至過叢冗臨患難屹不可動大僕  
楊最以直言被廷杖公密為食糞有以生之而校卒巡羅  
者接於肘腋咸竊瞑目公神色不変大史羅洪先表其墓  
曰公之於楊未有肺腑之親寮寀之誼也處雷霆之下事  
變在呼吸之際而慷慨不少顧忌若此况於平居骨肉之  
間哉史部尚書熊浹亦嘗稱之曰若公者真古之遺介也



所著有海防奏議等疏傳於世

浙江圖書館



贈太子少保謚恭簡南京工部尚書印岩王公墓志  
銘

公諱鈞字子宣別號印岩以舍傍山名也相傳晉太保王  
祥弟覽之後世家會稽唐禧昭間諱敬玘者仕為銀青光  
祿大夫太傅始徙奉化之連山鄉遂占籍焉其後族姓繁  
衍而好礼篤義甲於一邑乃邑人之稱之也必曰連山王  
云公高祖府君文琳以質雄閭里而性好施當宣德間歲  
儉輒盡出庾中穀以賑飢者 璽書旌為宣義郎曾祖慎  
庵府君皎祖徵任郎玉樓府君濂皆有宣義風里中貧者  
待以舉炊喪則藉之殯及公貴人謂天之陰隲之也父復



齋府君訓贈兵部右侍郎都察院右僉都御史母錢氏贈  
淑人乃府君出後叔父仁卿府君溥故公祖玉樓府君不  
得贈而贈仁卿府君如復齋贈所後祖母胡氏如錢云初  
公伯父心齋府君誥舉弘治癸丑進士尹弋陽以賢能徵  
道卒公生七歲就塾家人或謂之曰而復能如伯父舉進  
士乎即竦然應曰而謂讀書舉進士已耶聞者異之其在  
塾也端重若成人不與群兒戲狎年十四入邑庠劬書疾  
學每試輒先曹耦嘉靖壬午發解浙闈癸未第進士甲申  
授南京水部主事丁復齋憂府君已丑服闋補北水部權  
稅荊州而其地則豪商大賈所湊集也魁駟猾僧因緣為



奸至者卒不免於緇公獨携一力嚙藥茹荼一介靡所染  
有羨利則削弛其征以便商及代而去蕭然故篋也癸巳  
刑部貴州司甲午轉江西員外郎福建司郎中計審五聽  
戒五疵孳々求民之裒會有勢璫祈脫人獄甚力公峻却  
之乃絕不與中貴人通凡經論決咸稱平焉乙未出知邵  
武府每晨起視事洞開重門竟日獨坐堂上庭宇寂然無  
一人敢左右視者百姓望之以為神明也有事則各輸其  
情蓋笞朴凡指笑有訴娶婦而失其寶粧一匣者公詳其  
詞曰此非外盜必與若同居而異心者耳首則可以贖罪  
不濫治也明晨一人持所盜物陳于庭稽顙乞罪果其同



居異父弟也其不怒而威多若此時有楊行人者以使事  
 道于郡橫有需索吏民苦之公取真西山心政經遺之楊  
 慚而亟去巡按白御史行部望公以非禮而公預以礼自  
 將不為折詘乃御史深心銜之下車立索庫藏刑名諸案  
 牘欲有所撻發而終不得其隙余時以分守與御史偕從  
 容言曰此廉吏也不習為恭固其性然庸有他乎御史意  
 悟調其治狀特懋稱曰若是其執之也而不為才良哉已  
 乃上書薦之曰清苦成性剖斷如流平易近民而遠途懷  
 謹嚴率屬而奸弊革雖古良吏何以過之斯出於恚者之  
 口体非言也已亥考滿當陟矣有嘆公者曰清操士宜主



財賦竟轉為福建都轉運使而公之為轉運也如分司刑  
州時鈎稽宿蠹條蚤甚精于時福州缺守巡按檄公署焉  
郡在省郭垢弊莫殫公夙著簡肅不嚴而治民有異母兄  
弟爭產訟者久之不息公諭之曰若等非皆若父所生耶  
若父之心寧忍使有一不足哉爭而勝之則一不足若父  
慊乎若子也而以貨傷父心寧復為若輩血食耶訟者感  
泣讓其所爭而退肖公像而祝之福民有日照覆益秋月  
寒潭之謠焉癸卯丁錢淑人憂丙午服闋補長芦丁未擢  
雲南布政司左叅政分守諸民故習戾男女多野合公嚴  
為禁諭稍之有變者庚戌轉按察使辛亥轉右布政使癸



丑轉廣東左布政使在二省兩提秋試綜理嚴密稱為人  
烏丙辰入覲陞都察院右副都御史提督南贛汀漳軍務  
所轄故多洞賊竄出標掠而當事者益從而騷之乃愈益  
不靖調兵轉餉無寧朝夕公至則一解諸煩令惟責郡縣  
恤焚獨撫流移不煩兵而底定丁巳轉兵部右侍郎兼都  
察院右僉都御<sup>史</sup>總督兩廣軍務兼理巡撫事 四履之地  
凡皆盜窟也若肇慶府扶黎蔡海大羅山諸處尤為雄鷲  
時：破壞城邑公乃發偏師搜方畧禽其魁馬天恩李汝  
瑞并從賊七千八百人破巢二百有奇奪还被虜男婦五  
十八人 特詔優獎廕一子戊午倭寇自閩轉入揭揚其



勢張甚公調兵擊邀斬首三百俘百有奇奪還男婦四十人上聞有白金文綺之錫已而復犯潮陽復調兵擒勦百七人人奪還男婦亦百七十人上聞如初錫是年冬長樂興寧龍川程鄉諸處及羅絲洞賊復相煽動公會兵擒斬賊首尤德虎楊球鄧子修黃老虎及賊徒三百六十人奪還男婦五十人上聞亦如初錫公念廣中寇盜頻繁當有以遏其衝乃相度要害添設廣寧縣治斬賊出入而不逞之徒稍衰止矣先是督府自置賞功所諸凡金錢得恣出入無與覈者公改貯梧州府每有擒賞移文給之出納有稽嫌議不作而軍儲亦漸贏矣雄梧二府稅錢旧



以資軍餉者遂皆罷輸北邊云己未考績進階通議大夫  
贈封祖考妣如制復錄廢一子未幾召為南京都察院  
右都御史掌院事公浩然有歸志具疏乞休時同志鄭莊  
簡公曉惜公之去索疏其而寢之已而蒞臺則風紀肅然  
權貴歛手正身率物諸御史莫不嚴之庚申入覲萬壽  
節改南京工部尚書尤極意節縮內臣有以殿門泥金濫  
科者公條其費省金直以萬計他裁約類此是時公望茂  
著不日將內召而公乃引年乞骸骨卒酉正月得歸杜門  
謝客絕不跡城市嬉遨林壑間見者不謂為鉅卿貴人也  
丙寅二月五日卒前一日大星隕其舍光焰燭天卒之夕



印岩崩者數人，例謂公所感召有足異。云先是呼諸子若孫前而諦視之，又取諸孫課業閱焉。若以示永訣者，終然不一及家事。距生弘治壬子正月十一日，享年七十有五。子希文，甫匄赴闕以聞。詔贈太子少保，賜祭葬，謚恭簡公。天性淳朴，不事表暴，不喜華腴，薄名利，羞浮競，食服恒若寒素，終其身不畜妾媵，戢司利柄，至官藩臬高貴矣。猶貸假於人，其蒞官行事，若一循途轍，無赫々可喜而吏戢民安，即彊幹者不及也。身不勝衣，言若不給於口，而事閔大節，則介然獨立，不為前却。諸所建立，一不以語人，亦未嘗私有紀述也。往權相執柄，以官為市，競進者爭趨之。



自餘猶謂必通賄乃得自安一時士類赴之若橫流之注  
壑也公獨不為通而亦終不能有所加於公其婦也人蓋  
以完名遠害為公幸云配鄭張氏初封安人再封宜人恭  
人後封淑人子男三長希文縣孝生娶國子生胡湍女次  
希顏附學生早卒次希旦國子生娶縣丞寧海洪華女孫  
男四憲明官生憲綱國子生憲臣憲祖皆庠生俱希文出  
曾孫男一問道女一恭俱幼憲明出希文卜以丁卯八月  
二十日葬于靈隱山之陽謂余知公之檢也乃手奉編修  
戴君狀而丐余為之銘銘曰舉世尚佞而我獨訥匪無舌  
也舉世競騫而我獨舒匪行之蹶也持繩墨以毖躬行揭



揭也矢明謨於康濟政烈烈也不集菟而集枯心所悅也  
謝寵祿以歸耕屨斯脫展如之人兮邦之哲也吁嗟乎靈  
隱之宮永無獻蔭也

浙江圖書館



珠玉金



浙江圖書館



南京工部侍郎徐公墓誌銘

恪

宏偉特達之才天固生之以為世用也用矣而其効已著其才已見信于人然而不獲大其用以盡其才此南京工部尚書侍郎海虞徐公之卒所以為士論惜也公以邑庠生領景泰丙子鄉薦登成化丙辰進士時葉文莊公在吏部雅知公家世且重公器識薦授工科給事中嘗與同列論宮闈事幾得罪丁生母憂服闋復任所言皆切時事而尤務存大体擢湖廣布政司左叅議兵荒之餘民物彫瘵公加意撫卹政尚寬簡人皆安之與布政何公喬新同蒞庚子鄉試事一時號稱得人初中貴于武當取竹笋以



進嗣來者併及荆襄鄖陽諸州公移文止之民以不擾九  
 載秩滿陞河南布政司右叅政清理戎籍嚴而不苟陝右  
 飢公督餉數萬石濟之險遠難至乃以粟易銀畀陝人被  
 此稱便凡古帝王陵寢及名臣墳墓在境內者皆以  
 詔旨修葺之迂本司右布政使未幾進左布政使每治事  
 必集僚佐議而後行人以為難河決開封數郡皆被害公  
 奏請築堤捍之鑿下流支河以殺其勢徽府承奉司自置  
 吏公以非舊制革之王怒奏公有侮慢罪上特直公致  
 書諭以徐恪奉遵祖宗法耳何可罪耶王得書慚沮河  
 徙汴城之北有奏迂諸王府三司於許洛以避水患者公



疏陳其有五不可事遂寢河南巡撫員缺廷議舉公為都  
察院右副都御史巡撫其地王府奪魯山縣民山場民懇  
於朝命公會勘公論當還之民且劾其長史不職戶部遣  
官督征積逋公上言民乏困請免徵巡按御史言漢中鄖  
陽夔府地相屬為盜淵藪請別立一省蒞之事下河南四  
川湖廣諸巡撫議公條陳其不可乃止於歸德重建微子  
祠彰德創建西門豹祠請祀洛南范忠宣墓置戶守之又  
移文所屬州邑考古賢哲未載祀典者悉祀之於學嘗奉  
詔祀濟瀆禮成有帛浮出水中或請以事聞公不可以帛  
置祠下而去隣邑歲歉流民來就食發粟賑之全活幾萬



人公在河南久權倖多不便公謀去之上不忍調巡抚

湖廣民間公當行擁亩不得哭声聞數十里是日汴城為

罷市布政司有羨餘銀三千兩衆議舉以贖公公正色却

之且自咎曰吾乃不為人見信如此衆益歎服迨至湖廣

適親藩之國宦豎怙勢載鹽百餘艘抑市於民公立捕其

首寘于法斥其鹽入境出外時湖之南北蠻寇竊發公知

將領莽寇亟召而切責之復按無良者於是人皆畏法寇

盜漸平往時委任武職悉由總帥賄進者衆公下令從臨

官推選宿弊始革公西居外臺正己率下憲度嚴肅小人

不得行其私百計譖毀上欲保全之特命遷南京工部



右侍郎不由外廷論薦人皆驚譎公即上言傳奉非美名  
傾臣何人敢干清議自惟立身稍異於衆不敢有所攀援  
以進辭氣峭直求退甚力上免留之乃始就職雖在散  
地而尤尽心庶務凡工役物料計處詳密吏胥无所售其  
奸輪役匠至部者曰多分給勢家公靳不與以年近七十  
請致仕者再不獲允乃以三品六載赴闕考績上命  
公復任進階正議大夫資治尹入謝疾作于廷中遂上疏  
乞骸骨上察其誠許之仍命給駟以歸抵家疾漸瘳時  
一出見賓客惟不入城府初號至一至是更號讓川翁手  
自輯其所為詩文奏議及編類所得誥勅若干卷藏于



家自公之歸言者屢言公可屬大事欲進用之不果已而  
 疾復作不能起召子孫戒之曰吾受國厚恩无所裨益勿  
 乞身後恩以重吾過前輩蕭山魏尚書可法也公諱恪字  
 公肅世為蘇之海虞人居南沙鄉其先有諱程者為元海  
 道万户佩金虎符程生恢祖從漁梁恢祖生舉、生德賢  
 德賢生訥字敏叔號南溪恢廓大度富而好礼為鄉之望  
 有丈夫子八人公其季也以公貴與德賢府君並贈都察  
 院右副都御史祖母周生母張俱贈太淑人配許有  
 賢行封淑人先卒子男四緹娶王亦先卒緹承事即贖錢  
 緹娶蔣緹娶劉緹側室張出與緹俱邑庠生女二適蔣勸



趙堯孫男四瑒廕補國子生娶繆璣聘張瓌聘邵珩未聘  
孫女五適李而達錢塘夏文獻餘未行曾孫男四僑億修  
俾曾孫女二公生於宣德辛亥 月 日卒於弘治癸亥  
三月七日享年七十有三縮等以卒之明年甲子十二月  
二十九日葬於鳳凰山之原先是監察御史柳陽馮允中  
素重公適巡按于吳痛惜公卒已而聞公遺戒益重之乃  
草書為請祭葬于 朝事下禮部覆請得 旨於是 諭  
祭有文營葬有官飾終之典罔不備具公之所以自處與  
朝廷之所以處公可謂兩盡矣縮既襄事匍匐赴京謝  
恩乞予銘公墓隧之石維公儀觀偉然器宇凝重望而知



為元夫鉅人自少好學治經之外徧閱子史以資博洽族  
人有蓄左氏傳善本者公往讀之不數旬悉記無遺後雖  
貴尤不廢學所以詩文平實典雅殊有古法尤善章疏紆  
徐曲折能達其所欲言巡撫西者凡遇災異或事關軍民  
即條陳時弊動輒數千言無不曲盡机宜性剛正詳慎施  
政處事利害得失恒精思極慮必百全而後動所上章疏  
一語未安亦不但已雖已封發亦必追改之苟利於國與  
民必行其志禍福生死畧不知顧噫若公者可謂一代偉  
人美予與公同年契厚而且有連銘非予誰宜為銘曰維  
古君子直道而行後多齟齬以全功名較其得失孰虧孰



羸倚嗟我公秉德維貞總持憲度不撓不傾為國為民吾  
身可輕群邪側目或任屢改不躓于諛維天子名全節  
而歸死生哀榮於戲不有君子其何能國倚嗟我公才用  
未極此予於銘公之墓而重為之歎息也

浙江圖





浙江圖書館



嘉議大夫南京工部右侍郎謚文毅黃公傳

長洲吳寬撰

公諱孔昭字世顯姓黃氏唐末有諱緒者為昭武鎮都監  
避亂自閩中徙家台之黃岩後其地割為太平故今為太  
平人所居洞山更數世族益大夫稱洞黃曰與莊有善行  
生禮遜號遜松塢允遠于學以剛介好古聞鄉里禮遜生  
瑜兵部職方主事賢名甚著生公二世並以公貴贈南京工  
部右侍郎公年十四遭職方公與母夫人金氏相繼下世  
自師京扶柩返葬哀毀骨立人已謂黃氏有子既長執友  
建寧守賀浩知其賢舉為松溪訓導不果公歎曰士之出



仕乃籍人舉薦耶慨然誓取科第以世其家樓居讀書刻  
 苦特甚至忘寢食及入邑學家貧乏資給而學益力遂中  
 鄉試天順庚辰登進士第初授工部屯田主事同官有貧  
 污廢事者與公不合以計擠之無所得而公之名因起其  
 人既被黜公獨署司事事悉舉而宿弊盡革特適議慈懿  
 太后山陵公憤其事曰治葬吾職也亟州奏疏將上而朝  
 廷竟從衆議乃已尋擢都水員外郎上署無故例不得改  
 調吏部以公賢而公官非宜特奏改文選命下皆以為宜  
 後擢郎中公持選法最慎汲汲以人才為慮嘗曰國家之  
 用才猶富家之積粟、積於豐年乃可以濟飢才儲於平



時斯可以濟事自頃人矯激沽名以閉門謝客為高天下  
人才何由知之故公退客至輒延見詢訪有所得必書于  
冊徃徃量其才隨其地參之輿論薦于天官卿用之務使  
用之各當其才雖小官卑職亦不敢忽或因勢家干請欲  
私用其人輒力言其不可時既不能盡沮後其人多自敗  
衮始服公之正凡在文選者十五年擢通政司右通政專  
清武職貼黃又三年始擢南京工部右侍郎時工役不息  
屢假私錢以給材用歲久多所逋負公至以提舉符司隙  
地皆為豪強侵占奏復之以收其利公署毀于火且重建  
一新方漸革諸弊一如屯田時而公俄以疾卒矣享年六



十四公清介有守自舉進士已有廉名及授秩以公事之  
江南雖鄉人之仕其地者以尺帛來餽亦卻去後同考會  
試有勢家子暮夜持百金私謁叱之不容見然終不言其  
人其處公事必尽其力非特無私而已終身儉素雖老且  
貴如未仕時至待宗族獨不計惜嘗以舊居悉讓其弟以  
女弟貧乏斥俸令奉之凡親友患難疾病必扶植乃已尤  
不妄交游故布政司陳公士賢今祭酒謝公鳴治皆鄉人  
之卓然者獨以道義相好若刑部侍郎林公一鶚既沒念  
其子孱弱為經紀其喪復輯其事行傳之後奉詔得薦奉  
異才以今應天府尹樊公廷璧福建按察司僉事致仕章公



德懋奏二人蓋公素所賢者士論以為得人平生好李不  
倦公暇手一冊日求古書多自校正更輯鄉里前輩文調  
為赤城論諫錄并赤城詩集板刻行世其所自着質實而  
理勝有定軒集若干卷定軒者公之別號也娶淑人蔡氏  
生子三備工部營繕主事居官有父風次挺佐皆早卒孫  
五紹絳綰約紉既卒朝廷遣官祭塋如卹典而綰以例為  
國子生寬幸交營繕君因以公平生為托乃撰次如右而  
復論之曰周禮太宰之職掌建邦之六典益兼六卿之事  
無所不掌者也後世特以選舉為務其屬分任于下為部  
凡四其可職謂專矣而文選尤為要秩使其人不賢雖有



賢太宰不能獨治百官由之不得其人此其所以為要也  
昔毛价仕魏為東曹掾所奉皆清正之事能以儉率人一  
時士皆以廉節自厲今覩公之為人益亦近之後雖趨迂  
惜口其卒以工官而去雖有知者荐為舉助而不竟用是  
可歎也夫价士非時其君子惜之予聞正統間黃巖有李  
茂弘考功靜退有守君人子也其名至今不衰公嘗慕而  
推之以追其遺風孔子曰魯無君子者斯為取斯其是之  
謂欤然則公之子孫視此其能嗣公也哉



正議大夫資治尹南京工部左侍郎贈禮部尚書燕

泉何公墓誌銘

孟春

泰和羅欽順撰

嘉靖甲申春南京一二郎官疏請更議大禮有旨廷臣集  
議何公子元時為吏部侍郎左前後疏三上勸上從初議  
甚懇既而請更議者條舉十三事以證其說公偶得其草  
即夕具疏逐條辨析甚詳疏既入遂偕百官伏闕以請久  
之未得命則相與號泣于廷上聞之震怒下群臣以獄罪  
謫有差而奪公俸一月尋調南京工部於是中外論薦吏  
部會推頻年不置忌者常力沮之丁亥春引疾休特准還



鄉調理明年六月明倫大典成俄降敕諭坐公以鼓率朝  
臣伏闕喧嚷之罪削職為民再踰年都御史張公翰疏稱  
公有經濟才不宜終廢不報丙申五月朔竟以疾卒其生  
成化甲午得年六十有三而家居十年矣有眚相弔皆為  
天下惜之公諱孟春子元其字別號燕泉其先世本吉廬  
陵人由吉遷廣在元為都統鎮柳桂者又自廣徙柳傳至  
合州同知諱義堅公曾祖也大父諱俊雲南提學僉事父  
諱說刑部郎中以公貴俱贈通議大夫吏部右侍郎大母  
廖繼李母李俱贈淑人公性稟超異方數歲聞人誦長篇  
已即能覆誦黎文僖公一見目為奇童長遊李文正公之



門文正每携公所作以示同官曰此吾楚後來之傑士也壬子鄉舉第二人連登進士第將試翰林庶吉士會丁父憂丙辰授兵部駁方主事鋒穎日見陞員外郎郎中大司馬馬端肅公劉東山公皆器重之東山公每有大政及邊方急務率與公相商處他司疑事亦諮決焉及丁大父憂去官東山念之如失左右手嘗奉使山西查理馬政繼往陝西毫髮無所漏遺巡撫大臣亦有被公論劾曰因列上五事僉以為當俄丁繼大母憂又丁母憂壬申擢河南左叅政其施設務在便民嘗行部在鈞州得公移稱山東盜起宜集民兵為備公以傳聞未必審農時不可失持不行既而



果無警時惟大梁一道免於騷動公之力也民有失碑者  
得屍井中無所歸罪公稍加窮詰即獲真賊時稱神明入  
為太僕少卿民老幼相扶携訟道板恋依不忍釋其得  
人心如此在太僕上言馬政寃其本末兵部取為條例奏  
行之寺儲折馬價銀本以備重大不虞之用武廟欲取以  
給他費公與同官力言其不可事竟寢戊寅由太僕卿陞  
右副都御史巡撫云南所興革尤多事具撫滇條約有屬  
民者輒擊去之十八塞惡惡既稔率兵徂征斬獲餘萬計  
民大悅捷聞賜勅獎勵因改立永昌府增五長官司五守  
禦所賊入歲增若干石論功陞俸廕子皆辭辛巳陞南京



兵部右侍郎壬午改吏部公與喬白岩林見素彭幸庵汪  
石潭諸公素相善同時居位謀議施設多有助焉無何相  
繼引去及諸公物故聞之未嘗不流涕也天性至孝父卒  
扶襯南還至黃州衝風飄舟下流二十餘里抵觸石崖舟  
中皆奔走人求免公誓與襯相為存亡頃刻不暫離翌午  
方定居喪哀毀骨立弔者至不忍見聞母宜人病痿弗良  
于言公常意揣色候凡致請必見領一夕寇將至亟負之  
走山翼以二僕僕尤戀所携篋櫝力命棄之遂得脫寇退  
而返棄櫝尤存若有陰護之者撫長弟妹婚嫁以時所以  
資給之皆厚貌癯神暢勇於有為歷事三朝多所建白有



人所不敢言者伏闕時有老中貴識之訝曰是在先朝言  
事多矣今尚尔邪公正色曰某始終惟是一節雖以議礼  
忤旨然天下愈亮其剛直云自奉儉約而仁於故旧好士  
有誠不樹私黨雖素所愛有犯必徵故所至人皆畏服於  
書无所不讀叅互考訂博而能精曆數兵法竒遁之術皆  
臻其妙詩文清麗豐蔚一時作者多推讓之所著書有餘  
冬序錄六十五卷閒日分義百卷旣滇條約軍中耳學平  
夷錄備荒書恤刑書奏議及舊稿通數十卷孔子家語賈  
傳新書陶靖節集易疑初筮四涯擬古樂府皆嘗為之註  
解配歐氏封淑人子男二長仲方戊子舉人次仲平側室



出女一嫁耒陽庠生許一元公遠祖榮在州之永寧鄉近  
歲嘗往省為置饗堂遂營壽藏於其右因語仲方曰吾於  
忠孝大節幸無失雖以士禮葬密迓先塋亦奚憾哉至是  
仲方卜葬日得是歲十月丙午先期具書遣使持公門人  
監察御史陳君縞所述事狀來請銘余與公同年進士雖  
同朝日淺而趨向雅同頃歲家居嘗一再通書方以切磋  
舊聞為意不意公遽止於此所愧不文不足以銘公爾銘  
其忍辭銘何著于柳爰始都統宦學承如泉斯湧灵明均  
稟而公特竒九流百氏兼綜無遺文以氣雄業以才富功  
最滇南望隆銓部囊封有數臣職是欽惟皇明聖敢貳其



心華衮衣雖榮角中非辱偃仰雲山著書滿屋人情物理  
鑑斯懸底行可績疇謂空言始必有終起然遠覩歸安其  
藏無遠先祖干將地下光屬于天茲惟不死嗚呼燕泉

浙江圖書館



通議大夫南京工部右侍郎宜興沈公墓誌銘

長洲王鏊撰

宜興沈氏其先蓋梁隱侯約之後世家吳興曾祖源澤出  
元季避求仇耒居宜興之黃瀆洪武中舉遺才拜代州同  
知祖德榮考春以公貴贈通議大夫都察院右副都御史公  
天順己卯占應天府鄉試薦庚辰登進士第授南京戶部  
主事歷陞員外郎郎中陝西布政司叅議叅政湖廣江西  
左右使都察院右副都御史遂進南京工部右侍郎乞致  
仕家居十餘年年七十卒葬大湖山月日也公在陝西分  
守商洛流通新歸者詔復三年而有司征役如故公劾其



罪募工甃其城免屢築之患福建銀鑛所司有額外之賦  
 公案之落取御史欲翻案出之公執不可御史怏怏無柰  
 卒從之廣西鎮守刻戍糧衆緊欲敗變群噪扣官署燔民  
 舍撫之不聽公命土兵擒殺十餘人乃定當時是惟公幾為  
 亂琉球使人入貢竊尚方禁工縱淫嫖夷人易變所過莫  
 能問涉江西境公曰若縱之歸得無為外夷笑乎以計擒  
 之鄖陽七府諸司皆創建吏緣為奸公至則黜賊吏三四  
 輩民無田者聽開懇荒墾仍復其租三年得熟田數千頃  
 訪校官有奉行者令諸生相從講孝教軍士採材木陶甃  
 甃甃其城十二里闢城南教塲悉樹以柳以時演盞其間



至今萬柳成陰鄖人飲干江故多瘠疾公始命均州泰和宮觀香銀糴穀賑饑有司至今遵行之其在湖廣奏定各藩府歲祿又驗丁糧多寡定徭役輕重長沙武岳諸郡逋負至二百餘萬有司征求百方民終不能輸公奏宜命官檢實有所解縱庶民得沾恩而官事亦辦詔即委公蠲民五十餘萬折徵餘萬官民兩利馬湖南宣撫宣慰諸司交惡或請兵勦之公言變夷相攻不可以疲中國其後諸夷亦自解兵平漢鎮遠地邊貴州而懸屬湖廣所司奏欲割屬貴州為便公言犬牙相制自祖宗深意豈可輕變唯征調詞訟則屬之貴州南京歲治宮室城池戰船上供器用



動以萬計大抵奸人乾沒其間費鉅而工窳公性善會計  
躬自物色品節多寡日月省試又謹倉庫出納之數群小  
無所容其奸興訛造謗公知事不可為遂求去矣初公為  
員外監倉監稅亦以嚴察群小不便侍郎章綸入浮議因  
考察劾公物議紛然時葉文莊公為吏侍上命與都給事  
中毛弘同蒞之乃白公之直前任怨自小官則然矣公孝  
弟清脩好學予嘗評其時有魏晉風楷書得魯公筆意往  
年至宣興公約予游張公善卷二洞又至太湖山則已自  
瑩冢壙營域饗祀堂室池沼橋梁碑亭綽楔秩然嚴整余  
曰跡公治行即不諱朝廷當命官治何預為公曰土無功



於國死敢煩官家卽是亦可知其賢矣初娶氏繼氏皆封  
人子男二柳某某銘曰抑抑沈侯潤澤而稟自為郎官所  
至則發四臨大藩御史中丞南少司空名位俱登古亦有言  
清而容物吾豈不容耻是咄囁超然出之道不我欺我我  
太湖公手所治千秋萬年尚安在茲

浙江

圖





浙江圖書館



南工部侍郎張公行狀

工部尚書劉麟撰

張鉞字文輔江西安仁人弘治辛酉領鄉薦正德戊辰呂  
柝榜進士授浙之處州遂昌令遂昌古蠻荒之域俗用囂  
強號稱難治鉞至首以教化安養為務執法平恕獄无冤  
滯會江西姚源盜蔓入浙境時承平既久民不知兵公倡  
勇敢繕守備邑賴以安在遂昌三年以內艱去立生祠以  
祀之丁卯服闋赴京擢陝西道監察御史正色侃言獨持  
風采宸濠謀逆朝廷重臣有陰附之者鉞首發其奸  
武宗欲南巡率同官連疏以諫伏闕不起至厓中使溫



五全  
慰直聲聞天下正德十六年奉命巡廣西吏部尚書陸

完刑部尚書張子麟皆宸濠黨也濠事敗二奸倖免越劾

奏之置法黜藩臬貪官姚鵬及靖江王府長史胡傑等諸

王不法鉞奏請裁仰皆懼而自戢老奸宿猾望風遁迹嘉

靖改元䟽請復經筵崇聖學其言深切時弊癸丑進永

平太守以外艱不果赴丙戌夏服闋補金華太守是歲民

苦赤旱倉廩告竭賑貸弗給越為請於上司蠲來年民租

復弛監禁以活民命屬邑永康義烏俗健訟案牘山積越

推誠察微澆俗頓革期月政聲大著太宰桂萼屢致書稱

勞鉞謹謝不職而已己丑遷浙江海道副使時倭夷漳寇



出沒為患不常鉞嚴令申儆奸民以海舶取利乘間為盜  
入境則倚豪勢為淵藪鉞逮治當路者數家悉置之法由  
是盜賊屏迹自浙遷福建叅政再遷湖廣按察使貪官汚  
吏聞風而起去楚府有指揮楊姓者為王爪牙導之不善  
竟逮治不貸搏繫豪強人皆畏服又遷四川布政司右布  
政轉左布政使庚子進南京工部侍郎簡工虞之弊率郎  
屬以身先之辛丑九廟災鉞上疏自劾不職乞避賢路  
以弭天變時留都同疏俞命者凡五人若呂柟鄒守益  
暨鉞皆一時重望去之日士民莫不惋惜家居謂諸子曰  
吾受國恩厚雖蒞官從事不敢不盡吾心然才質所限



頁吾 君多矣沒世之後其勿以恤典為請諸子守其故  
卒之日贈謚不及焉

浙江圖書館



南京工部左侍郎贈都察院右都御史龔公墓誌銘

李杰撰

公姓龔諱輝字實鄉土而岐嶷穎異過人卅角即究心經史至忘寢食領正德丙子鄉薦第二登嘉靖癸未進士尋丁內艱服闋授工部都水司主事丁亥命董浙直江西竹木事竣北上復以營仁壽宮先蚕壇殿勅公督大木於四川及貴州西路山不產木檄下赤永二衛以狀白公公單輿親詣其地果如狀遂具疏請停免得旨允其奏於是公往四川得大木五千餘根板枋如之木已殫而部劄務歆再倍其數公私俱困民情洶洶適彗星見詔求直言公逐



上蘇民困以弭天變疏其畧謂四川僻處一隅而巨木多在深山窮谷採取必吊崖懸橋而出光連年兵荒相仍民窮財盡殊可憂也竊計郊壇蚕室漸次落成仁壽一宮亦當無幾解過木植似足應足仍繪山川險惡轉運艱苦萬狀一十五圖各為貼說具奏人咸為公危幸荷先帝聖明先停止取為蜀民如脫焚溺相携持頂禮號泣隨公比出境未已吏部覈公俸奉旨陞二級留京用為同使者援例以請竟註公福建按察司副使提督陝西學校公以閩中士習有恢擴奇氣文章學西漢訣而於義禮精微或鮮窮究乃日進博士弟子員相與切劘身心之學一時多深造之士



隨陞本省叅政勅理黃冊巡按浦公檄公為全陝政要一  
書軍民利病畢載尤詳於制虜折衝之具二十二年陞廣  
西按察司使旋陞廣東右布政使以征蠻勞勩與有銀幣  
之賜二十六年轉湖廣布政使未幾簡擢都察院右副都  
御史提督南贛汀漳軍務甫至旁邑同安盜發猖獗督所  
屬并隣境協力夾攻賊隨授首論者以公運籌收功之速  
不知同安非公屬也繼而懸繩掛坑若竹大山白菓洞三  
巨寇劉廷選蕭鈇古陳榮玉等各恃險負固劫掠三省而  
懸繩尤甚知縣施憲為下所誤反寄爪牙賊中恣其搏噬  
以是公乃行十家保甲法如故事然檄漳南嶺北諸道或



分布犄角以備聲援或設伏間道以防奔逸部勒所司各  
率精銳三路並進復遍揭曉諭使相捕自贖而携其心一  
夜兵忽至其門庭遂平懸繩之巢其他二巢漸次勦畧見  
大司成龔公用鄉平寇碑記中例當以捷聞得廕叙公以  
議處地方事宜具題僅奉旨陞奉一級賜銀伍拾兩紵絲  
四表裏乃順輿情為善後之策措置毫髮不擾於民民大悅  
相率立祠祀公名報功祠二十七年勅總督漕運兼巡撫  
鳳陽等處時河流忽東南注淮市廛幾大決議者以為必  
上聞公曰民危在旦夕而循故事待報此於避形迹為善  
非任事之體亟下令就決所等堤實土于破舟沉之旋壓



以石水勢亦漸緩凡若干月費若干而堤成闕若干丈襄  
延若干丈淮人賴之立碑於鎮淮祠下以紀功德其他去  
債帥節浮費疏泉源均勞逸凡有盜於地方者無所不至  
二十九年四月陞大理寺卿六月陞工部右侍郎會擣初  
去奉勅督修太倉復兼築外城戰車仗費省功倍至今人  
稱之是年十月始考滿獲請封廕後以嚙公者欲中之無  
他可指摘竟改公留都公淡於宦情已久遂決意乞休奉  
旨准致仕公即日戒行士大夫設祖都司外傾城出送作  
完名篇以美之觀者稱為神仙云天性淵懿溫溫和悅宛  
若笑然故就而見者藹然如在春風中相與稱公為笑齋



公亦自以為性成也。比其當官，竝然法守，不可奪大利，大害視義所在，不少避就焉。尤篤於孝友，平居懷慕父母老而不已，四時祭享未嘗不潛然墮淚，痛弟早亡，撫諸孤一如已出，悉以祖遺田宅畀之，且加益焉。公族繁盛，著宗約一編，其教遵行，孝弟更相敬讓，為本各隨資性，習士農為業，以及鄉之人共舉行之，成仁里，自筮仕來，奉勅八道，遍歷九州，所在立祠報德，每以盈滿為懼，未嘗治垣屋，市田園，菲食惡衣，不異寒士。惟以教子課孫為事，所作詩文皆溫雅簡切，若干卷，藏於家。西槎疏草二卷，其疏若圖，米入經濟錄，全陝政要二卷，皆行於世。在林下下十有召見西



內賜玉帶一銀幣絳服酒饌公䟽謝 上答 諭曰歲餘

失奉面適間甚悅薄儀以謝賀禮八月九日司禮監太監

劉清傳 諭禮部尚書陶仲文着支伯爵俸公隨具奏辭

十三日奉聖旨比係朕特賜鄉宜承之不允辭九月二日

吏部題奉 欽依准照王驥等封事例歲支祿米一千二

百石先該公具奏 欽降銀兩修葺朝天宮宇自損俸資

銀一千二百兩中輔銀一百兩助修功完建醮乞命文臣

製文勒石蒙俞允仍賜金帛二十八年春三月十五日

東宮將冠 上召公見于內庭議禮隆少公對曰 東宮

體不甚壯禮宜從簡時儀曹以全禮上 帝從之十七日



東宮薨 上諭公曰昨師面言誠恐着令思師惠不及矣

此公先見之忠愛也八月十一日公奏回原籍展視焚修

奉 勅禮部尚書陶仲文近該鄉奏稱要南行展視雷壇

焚修祝朕特准暫回還馳驛前去凡經過軍衛有司等衙

門一體護送不許欺慢留難如有不遵 勅旨怠慢故違

悞事即行指實奏聞治罪鄉作速來京以副朕眷念之意

鄉其欽承之 賜松竹梅金花二柄十七日申時至涿州

上命中輔賫捧銀葉一百兩公於沿途濟貧宣揚 聖惠

九月十三日公於原籍具疏令中輔代進黃州府城內有

古刹玄妙觀 玉皇閣城外有盤石貞武觀五載觀風者



時加存問四川叙州府故有諸葛武侯黃文酈公祠於是  
郡人念公德不置又特立公生祠為三賢扁曰仰止有司  
春秋祀之檄至邑以白公時易箒前一日也訃問適今上  
龍飛之春贈都察院右都御史仍遣官諭祭命有司營葬  
事公配周氏贈淑人先公卒繼娶葉氏封淑人子四長候  
次位脩次僕孫男八孫女四曾孫男一曾孫女一將以是  
年二月二十七日葬四名山之陽幸周淑人合馬公子位  
等奉陳宗伯所著狀屬予銘諸墓石銘曰維公幼齡蜚英  
挺特早登甲科荐躋華職熙熙和氣貯在春顏守法持正  
屹若泰山因事納忠蠲瘼極溺切見言信立德底績來副



人望去永民思頌聲載道何處無祠豈曰不崇司空之佐  
輿諭未厭宜先八座超然引去公炳先幾咲傲烟霞礪世  
脂膏德可照隣壽逾大耋俾熾而昌綿綿瓜瓞悠然仙逝  
完名冒如天子憫悼士類欷歔卹典攸隆佳城維吉勒詞  
于幽歷歲千億

浙江圖



南京工部右侍郎嚴公行狀

應大猷撰

公諱時泰字應階漢子陵裔世為餘姚人登正德辛未楊  
慎榜進士筮仕溧陽敷正清勤邑人張謔者素兇悍睚眦  
殺人莫敢誰何公廉得其實擒之僉言貫惡既去里閭安  
生有昌黎驅鯨之諭是歲恒陽烈天桔槔無所施力公窮  
親禱雨隨車而應屢登薦剡徵授南京江西道御史以戚  
畹例改鎮江府同知轉福建離司有浯洲場者與島夷相  
隣恃鯨波之險三十餘年課賦不輸莫敢往徵任朞月  
公曰為君之吏奉君之事豈可以風濤之故而存覆溺之



心哉遂揚帆泛舟抵場旬餘輸稅萬計當道褒之刻章首  
列尋陞雲南永昌府知府府係新設特賜璽書內有僉舉  
爾出身科甲素有才幹非特賴以撫安而實資資以控制  
等語公抵任開州治設學校撫民夷鋤豪惡其土官罕烈  
猛等地方相攻計天朝買象之價焚曉諭之文毀館穀之  
所故親詣其地諭以朝廷威德責其前後罪愆酋具賂以  
金帛竒貨十餘萬欲之是夜縱火焚營急持勅命僅以身  
免夫酋心慮賂不納恐加致討之兵預彰暴惡公更大宣  
朝廷威福酋始惕然興具將蠻莫等地方退出天朝開設  
衙門息兩夷之仇矣故民夷有草木知名之謠永昌有滔



祠結黨興妖迷誘婦女公命去之撫按交章屢薦朝廷有  
着吏部擢用之旨後陞山東兵備副使其年水旱頻仍民  
艱粒食公時疏奏停起運民稍蘇息又多方設法賑濟曾  
究之民活者數十萬壞接黃河不時淤駛公經畧有方水  
水患彌息迄今賴焉尋轉廣東叅政時征安有功賞銀十  
兩紵絲一表稟大享明堂恩封三代制曰身若不勝衣而  
其弘毅之量足以扛負守國紀言若不出諸口而其文明  
之蘊足以黼手皇猷投艱抵劇休有烈光忠亮之心純白  
之行介直之節三十年如一日也捧表入賀陞福建按察  
使使尋陞四川右布政使未及任即轉左轄徵財賦審緩



急之序兼出入之詳時建九廟採木於蜀夙夜圖維以副  
其用由是賞銀十五兩紵絲一表裏白草番獬獒平之都  
御史張時徹奏功賞銀十五兩紵絲一表裏尋以宗室屬  
籍父絕部為題明陞南京太僕寺卿期月轉陞右副都御  
史巡撫四川時都蠻不靖荼毒西土稱王者十餘人公出  
奇兵征之俘斬千餘名顛渠魁之稱王者亦投首露布以  
聞賞銀三十兩紵絲二表裏加俸二級尋陞南京工部侍  
郎捧表入賀萬壽引年而歸卒於嘉靖二十九年十一月  
二十六日享年七十二歲



工部右侍郎少村黃公墓誌銘

呂本

嘉靖乙未春會試予備員同考得少村黃公閩中士夫有  
為予言者曰少村莆名士也十歲能屬文弱冠舉于鄉個  
儻瓌竒有大志他日當以文章顯天下請為公得人賀次  
日少村來見余立談間意氣不凡果如閩士夫言余亦欣  
然自慶為得人是年

世宗御文華殿親灑宸翰試進士一一去取出 聖裁改  
庶吉士若干人而君與焉君感激殊遇益自奮礪遍讀中  
秘書每館閣之試輒在峻等三年以才授翰林檢討辛丑  
為會試同考試官甲辰為廷試掌卷官丁未為廷試受卷



官已酉為應天鄉試考試官庚戌為會試同考試官所至  
公明能舉其職乙巳之擢脩撰辛亥之擢司經局洗馬兼  
翰林侍講皆久次而後轉知者方以為非所以待異才夫  
何壬子黃給事中論之調南京兵部員外郎未任甲寅陶  
御史又論之調衡州府通判此不可曉也既而當道者惜  
君之去無罪稍遷太僕丞以姪孫懋官為卿故改尚寶司  
丞是冬陞本司少卿丁巳陞南京太僕寺少卿戊午陞本  
寺卿乞已陞光祿寺卿亦以君年資日深去清華而就繁  
劇非其好也而君顧能安之適光祿供應告乏君加意節  
省查出老倉米四萬餘石減去柴炭銀參萬餘兩頌紓一



時之急前後僚屬皆以為莫及也夙夜勤勞於職凡十八  
月庚申擢工部右侍郎李給事中又論之君曰出處命也  
况功名外物安能囂囂與人較曲直留戀為哉吾自茲長  
往矣遂投劾奉 旨閑住去還莆未幾而倭賊圍城幸叅  
將戚公領兵勦逐之君具酒果厚幣郊迎以謝戚君又募  
勇敢捐二百金納之公帑為巨室倡忽新賊繼至戚君已  
移他郡當事者墮於賊計城陷君被賊執居賊中五閱月  
艱苦萬狀自以為必死矣賊知君大臣又見慷慨歌笑自  
若不敢犯竟得脫歸乃寓書於余曰仕之不達阻於人言  
今不免盜賊之手將何尤哉乃知死生有命富貴在天自



茲得以餘生待盡首丘至願已畢更號四素居士又許買  
舟討余於稽山鏡水之間不意丙寅十月初十日一疾竟  
不起距生弘治庚申正月二十九日享年六十有七於乎  
哀哉君平生骨次磊落其意相合者輒傾倒底裏握手相  
歡如乖其志好則辭色不少假借君嘗語余曰陸東湖朱  
葵亭朱蓮菴李古冲康礪峯林肖泉郭東野尹洞山李石  
麓言朋友之厚者無以過之董近淮丁后溪刑雉山宋仲  
石黃某董某周某某言門生之厚者無以過之君往來非諸  
公不密心事非諸公不談高興非諸公不發人見君之交  
盡富貴也不知諸公者皆朝廷勲德海內英豪得一足倚



為重况若是之多耶古人觀人多於其所與所取知之識者方羨君之不暇顧以此議之謬矣君志慕古人大宗祠瞻銀七十兩租一百二十石小宗祠更新堂宇重建狀元坊仍瞻租五十石母家與租二十石從弟廷本與租二十石永為業南山廣化寺與租二十石永供香火俾守先塋其餘賙人之困不可勝數君家本非饒裕又遭賊焚劫之餘已蕩然矣猶汲汲力行義事若此求之當世豈多見哉君之子某等遵君遺命遣使奉狀遠來請余銘諸墓石余念之君者莫如余義不能辭乃先道其所知然後叙次世系而銘之君諱廷用字汝行號少村世為莆田人唐御史



湏之後宋狀元公度十二世孫公度文集君刻于衡州高  
祖畊吏科都給事中曾祖澍祖甘霖俱隱德不仕父德卿  
以君貴贈翰林院檢討母鄭氏贈孺人配宋氏處士汝華  
女封孺人長子河其所生也娶長沙府宋卿之孫女次槐  
娶應天府尹洪珠女繼徐氏標娶光祿寺署丞陳翰女皆  
側室某氏出棟娶儀制司郎中方一蘭女柱娶某知州李  
長盛女皆陸氏出柳聘潁州知府李宜春女王氏出女四  
長適刑部侍郎鄭大同子次適南安知府林介孫次許舉  
人唐鑑弟次許中允陳謹子孫男一輝尚幼河標棟俱蚤  
世於乎公自入翰林未嘗一日不為詩文其子賢孝某集



已梓行於世但名位未極於望誠有闕焉今已矣哀哉某  
年某月某日塋于某山之麓銘曰

惟君求全兮來人之毀解組歸去兮逢賊之起城陷被執  
兮伊誰之使作善無祥兮天意曷揣終免患難兮優游桑  
梓將安將樂兮君胡以死不于其躬兮詒後之祉我銘諸  
幽兮垂千萬祀

浙江

圖





浙江圖書館



南京工部右侍郎全公家傳

公諱元立字汝德其先出自京兆郡遠祖為青州刺史南  
游於浙遂卜居鄞之先因世為鄞人公自幼秀穎不群甫  
十歲已能文弱冠游鄉校聲名籍甚嘉靖乙酉歲領浙西  
鄉薦乙未歲登韓應龍榜進士時皇上右文親御文華殿  
選庶吉士公與首選丙申歲以誕皇太子恩例得授官試  
喜雪賦瑞麥頌御擢為第一官翰林檢討戊戌歲奉勅同  
修會典芟繁補遺編摩畫美庚子歲李烈皇后崩發紼應  
制撰哀挽鼓吹如靈之祥應天長茅章深得揄揚哀悼之  
章幸承采用辛丑歲丁外艱癸卯歲服闋復官如初己酉



歲九載考績進秩修撰壬子歲奉命冊封魯藩禮容雍肅  
悉卻餽遺而詞翰應對敏捷如流王大異之為書九山書  
院及九山圖以見意云時嚴相嵩當權恣厥子橫暴咀河  
套之議因戮魯公銳株引夏相言而戮之公憤憤不能已  
乃曰吾非臺諫不能以言悟又非刑曹不能以法爭可默默  
已乎乃著告天文以紓憤嚴氏間而惡之百計擠排而竟  
阻於公議公間之不自安乃上疏歸省實嘉靖癸丑歲也  
君歲餘承母命乃勉強復出丙辰歲陞南京翰林院學士  
時方重內輕外蓋嚴氏故以此置之也少傅南渠李公本  
攝銓事表薦京堂之堪大任者僅若干人而公與焉公論



是之已未歲陞南京太常寺卿習樂辦歌章典祀儀禮悉  
為釐正楊王墳初穴即日具奏治典守之罪蓋體先皇親  
親之意也天地壇有廢隙振武營軍徑之公曰天地功及  
萬物取區區地為報祀之所而人復踐踏如此即何以致  
誠敬遂垣之如初時營軍驍悍賊殺黃侍郎或為公危之  
公曰吾為天而取禍亦天意也夫亦何恨衆亦不敢有所  
侮辛酉歲陞南京工部右侍郎與大司空康公大和菟槩  
政黜冗食協恭厥職六月以進萬壽表行適有風霾之變  
公引咎自陳辭意慤切乃得俞旨實嚴氏父子陰主之也  
世蕃復曰全侍郎其知所以歸田之意乎先君曰乞休得



休吾志得矣而被復為我嫌邪遂幡然東歸為班衣戲綵  
之樂暇則徜徉泉石間無復仕進之志矣壬戌歲以母宋  
太孺人喪哀毀得沉痾疾踰二年遂不起嗚呼惜哉公兩  
與試事黜浮崇雅辛丑歲得何公雲鴈張公子瑄何公孟  
倫癸丑歲以易學攝書經房事得王公治董公世彥徐公  
善慶周公思久崔公孔昕史公桂芳易公道談皆以文章  
德業表著於時時以知人之鑑歸公焉公性直不咎人過  
動必以禮故人多敬憚之好吟咏精字畫人共傳播有玉  
堂詩文稿及畱院藁若干卷藏于家素不治生產居家湫  
隘裕如也公以勤儉治家以敬慎持身以清謹居官久於



仕籍而操守如一日故人以完名全節歸之焉然以忤奸  
阻志以哀毀殞生為有道者之所矜憐故摘其梗槩以俟  
秉筆者採錄焉

浙江圖書館



五



浙江圖書館



南京工部右侍郎郭公墓誌銘

李璣撰

南京工部右侍郎郭公諱鑿字允新三泉其號也嘉靖戊  
午六月二十一日卒於南京官邸子治熙等扶其柩歸高  
平將就窆而以其伯父工部侍郎一泉鑿所為狀來請銘  
余與公進士同年選吉士同館任翰林又同官則知公宜  
莫如余者安可辭按郭氏本太原人其遠祖恩賈于高平  
因家焉乃遂為高平人云恩七世孫曰欽者是為高祖  
封御史欽生質知光州 憲皇帝加其廉特 勅褒異之  
質生定歷知通邳鄭叁州定柒子以長子坤鑿貴贈通議



大夫工部右侍郎而次子城判安州封翰林院檢討者生  
鑾及公鑾任長史而公與從弟鑿又同年舉進士鑿副使  
而復為侍郎簪組蟬聯壹門輝映以是高平言鉅族無不  
推先郭氏者公生稟奇異自幼善文詞出補邑庠弟子員  
每試輒先諸弟子嘉靖辛卯薦于鄉而舉進士則再科焉  
乙未是年上既親賜諸進士甲第矣乃又御文華試  
選二十八人讀書于中秘蓋自成祖肇開館選後雖  
歷朝有行而親試慎簡茲寔再見焉公被選則益肆力于  
學望日起辛丑授檢討尋丁父憂起考九年滿陞修撰已  
又奉命修我朝會典壬寅陞司經局洗馬兼修撰有清黃



之命焉丙辰陞國子監祭酒丁巳陞南京工部右侍郎  
公戊戌春分考會試壬子秋

上命偕宮允尹公徃主應

天試至今論者咸稱得人及公任祭酒則又端模範飾訓  
典本經術造士而尤以德行為先故壹時及門之士彬彬  
循循習爲壹變惟公待人恕而自檢實密既日勞公務手  
又不釋卷以是痰火病盛作會又哭其女既而南鬱鬱不  
自平竟卒蓋人南纔伍越月耳距生弘治己未十二月初  
三日得壽六十 上聞

浙



浙江圖書館



劉慤傳

劉慤萬安人嘉靖甲辰進士授司空尚書郎嘗權稅荊州多惠商之政已出知嘉興府時倭夷犯浙西兵部尚書張經提兵壓境慤為調度糧餉民不勞而事辦比趙文華以工部尚書視師海上暴橫索賂少不如意陷以大辟慤終無以應之第相見不激不阿而已文華卒不能害後轉兩司荐陞太僕寺卿擢僉都御史巡撫湖廣慤約已勤職每日詳駁案牘常至夜分喜諸司陳說利害凡建白當事情者即付之施行常濬竹崗河以殺漢水之勢沿江郡縣至今賴以播植先是廨中鬼物畫出侮人前撫公多不利去



或勸慤改為慤以財詘重費訖不以介意施州土官覃壁  
 劫印烝嫂將謀為不軌慤上其逆狀討之自駐荊州而遣  
 守巡官督諸將分道入勦又親書方略日致營中令諸將  
 奉以行事攻圍半歲覃壁力屈自詣轅門伏辜比罷兵還  
 省陞大理寺卿尋轉南京工部侍郎然竟以兵事積疲溝  
 疾行至潯陽道中卒

浙江

圖







浙江圖書館





浙江圖書館





浙江圖書館

浙江圖書館善本

甲登記號：006670

一九 年 月 日






浙江圖書館



colorchecker CLASSIC



xrite



mm



